



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ formulæ, tum Citationum, ac Monitionum pro validitate processuum requisitarum, tum Decretorum, aliorumve actuum ad opportunitatem, & ornatum materiæ incidentium; acceditque in calce Appendix miscellanea, plura, ad Gubernium ...

Monacellus, Franciscus

Venetiis, 1709

§. VI. De absolutione excommunicationis.

[urn:nbn:de:hbz:466:1-62433](https://nbn-resolving.de/urn:nbn:de:hbz:466:1-62433)

nitionem, aut præceptum, etiam unum peccet, aut peccare præsumat pertinaciter in eo persistendo, quia alias contumax dici non posset: cùm enim excommunicatio non sit pura pena, sive vindicta, sed simul medicina, non fertur pro peccato præterito, quod potest esse emendatum; sed ad emendandum, & avertendum hominem à peccato in futurum, ut colligitur ex d. c. i. de sent. excomm. in 6.

63 Tertiò notandum, quod ad incurram excommunicationem, vel aliam censuram, non sufficit quivis actus externus, sed requiritur actus consummatus si ve pecatum in suo genere completum ita ut effectus lege, & præcepto prohibitus re ipsa sequatur, v. g. si excommunicetur homicida, non incurrit censuram, qui solum percussit, vel vulneravit: si vulnerans, non incurrit, qui percussit sine vulnere: si percutiens Clericum, non incurrit, qui conatus fuit percutere, sed erravit, vel impeditus fuit: Unde excommunicationem latam propter factum aliquod, non incurrit regulariter consentientes, vel mandantes, sicut nec faventes, prius quam crimen re ipsa sit perpetratum; præter quam si in jure, vel ex verbis legis aliud colligatur, Pirhing. *ibid. n. 33.*

64 Quartò notandum, quod nulla excommunicatio ab homine seu Judice infligi debet, nisi præcesserit admonitio, cap. reprobabilis de appellat. c. sacro 48. de sentent. excommun. cap. Roman. tit. cod. in 6, quæ cùm sit introducta in favorem publicum, non potest quis se obligare ut possit excommunicari absque monitione, Graff. dec. aur. par. 1. lib. 4. cap. 2. num. 38. Ratio est, quia excommunicatio, vel alia censura, non fertur nisi in contumaces contra Ecclesiam, tales autem non sunt, nisi qui præmissa admonitione excommunicationi censuræ recusant obedire. Hæc autem canonica admonitio debet fieri personaliter ipse reo, nisi is malitiosa latitet, aut immediat se citari, vel maneat in loco, ad

65 quem non detar tutus accessus: tunc enim satis erit, si citatio cum comminatione fiat ad ejus domum, vel ad Ecclesiæ valyas, vel ad alium locum publi-

cum; undè facile possit ad illius notitiam devenire. Si autem Judex præsumeret 66 sententiam excommunicationis in aliquem promulgare absque præcedente monitione, incurreret interdictum ab ingressu Ecclesiæ per menem d. c. sacronisi Judex sit Episcopus juxta c. quia periculosum de sert. excomm. in 6. de qua re dicam infra.

Tria igitur requiruntur, ut excommunicationis ab homine justè feratur. Primo, ut præcedat monitio, quæ juxta stylum Tribunalis fieri potest etiam sine scriptura. Secundo, ut feratur ex causa rationabili. Tertiò, ut hæc sit manifesta, prout desumitur ex præmissis. Sunt tamen plures casus, in quibus excommunicari quis potest absque præmissa monitione, quos recenset Barbos. in d. c. sacro n. 6. & de aliquibus dicam infra suo loco.

De absolutione excommunicationis. §. VI.

Ab excommunicatione lata a jure nemini reservata, absolvere possunt Episcopi, aliique Prælati habentes jurisdictionem Episcopalem: non autem Parochi, vel Sacerdotes habentes facultatem absolvendi à peccatis, ut jam vidimus supra §. 1. vers. una enim sententia. Si absolue excommunicationis, à canone, aliave sit reservata Papæ, ipse solus vel ille cui co[misi] potest absolvere, nisi factum, sive dictum, cui annexa est excommunicatio, si occultum tunc enim juxta celebre cap. 6. sess. 24. Concil. Trident. de reform. posset Episcopus absolvere, præterquam in casibus, quos Apostolica Sedes post ipsum Concilium sibi reservavit, videlicet, Hæresis, Duelli, Simoniac scienter contractæ, confidentiæ Beneficialis, violationis clausuræ monialium ad malum finem, violationis Ecclesiastice immunitatis juxta terminos Constat. Gregor. XVI. Blasphemie hereticæ cum mala credulitate, prout observat, & tenet Pac. Jord. elucubr. tom. 1. lib. 3. tit. 4. numer. 92. Si excommunicatio sit reservata Episcopo, ipse, vel ejus superior, vel Vicarius ejusdem poterit absolvere, vel etiam Capitulum Sede vacante. In articulo mor-

tis

tis, quilibet Sacerdos absolvere potest ab omnibus censuris sive à jure, sive ab homine lati, & reservatis, si non detur aditus ad superiorum, & alius, qui de jure absolvere queat, non adsit: injuncto pénitenti, si convaluerit, pro peccato cui annexa sit excommunicatio reservata, onere se præsentandi Superiori pro fuscipendi ejus mandatis, juxta textum expressum in *c. eos qui de sent. excom. in 6*. Et hæc facultas in periculo mortis juxta communiorem sententiam tribuitur etiam Sacerdoti excommunicato vitando, ut videre est apud Nicol. *lucubr. can. lib. 5. tit. 39. n. 43. notab. 2.* refert tamen, Sac. Congreg. Concilii tempore *Gregorii XIII.* declarasse illa verba Concilii -- omnes Sacerdotes, quoslibet Pénitentes à quibusvis peccatis, & censuris absolvere possunt, non includere neque intelligi debere de Sacerdote, qui sit excommunicatus vitandus, & ibi rationem talis declarationis afferat. Ab excommunicatione ab homine generaliter lata non reservata v. g. *qui tale crimen commiserit, sit excommunicatus*, secundum unam opinionem, quam sequitur Bonacin. *de censur. disp. 1. quæst. 3. pun. 1. numer. 6.* Pirhing. *loco citato numer. 143.* Nicol. *ibid. numer. 42.* potest absolvere non solum, qui eam tulit, sed etiam quicunque potestatem habet absolvendi à mortalibus: At ego teneo, quod à sententia excommunicationis ab homine lata, sive generalis, sive specialis sit, non possint absolvere Confessarii, nisi ex delegatione, per easdem rationes, & auctoritates supra in d. §. 1. vers. una enim sententia allegatas: nam excommunications generales Prælatorum, ut plurimum sunt Synodales, quæ dicuntur excommunications juris, Graff. *consilior. lib. 71. 5. de sent. excommun. conf. 2. numer. 6.* & æquipollent canonii, ut inquit Corrad. *in prax. disp. lib. 8. capit. 3. num. 32.* alias excommunications hujusmodi impunè despicerent, & Confessarii, sive Parochi exercent jurisdictionem fori externi, quam non habent, Graff. *dec. aur. part. 1. lib. 4. capit. 15. numer. 68.* & 71. ubi de sententia excommunicationis hominis, quæ sit generalis, D.

Monacelli Forn. Pars III.

Thom. *Suppl. part. 3. quæst. 20. art. 2.* Neque in hoc suffragatur responsio, quod absolutio Confessariorum valeat quoad forum conscientiae tantum, non verò quoad forum exterius, ut ajunt nulli, quos refert Piasec. *in prax. tit. 1. art. 3. de casib. Epis. reser. numer. 8.* tūm quia excommunicatus non potest absolvi à peccato, propter quod censura ligatur, nec recipere Sacramentum, nisi prius absolvatur à censura, ut docet D. Thom. *loco mox. cit. ad 2. tum quia,* absolutio ab excommunicatione in foro conscientiae, non requirit Sacramentum pénitentiae, Saravia *de adjunct. post Franc. de Eccl. Cathedr. quæst. 15. numer. 8.* & 9. & alii ab eo allegati. Ab excommunicatione autem lata ab homine in specie, & nominativi, v. g. contra Petrum, absolvere tantum potest, qui eam tulit, vel ejus Superior, vel successor, vel delegatus, & in hoc omnes DD. convenient.

Ab excommunicatione autem minore à jure lata absolvere potest proprius Parochus, & non alius Sacerdos juxta literalem sensum c. *nuper 26. de sent. excom. Graff. decis. aur. par. 1. lib. 4. d. cap. 15. n. 80.* & 81. Pirhing. *loco cit. nu. 144.* licet alii teneant quod quivis Sacerdos potest habens absolvendi à peccatis, possit quoque absolvere ab ista excommunicatione, Jo. Herolt. *vulgo Discipulus serm. de temp. 69. lit. H.* Nicol. *in flosc. verb. excommunicatio nu. 9.* Sayr. *de censur. lib. 2. capit. 23. numer. 11.* ubi ait, quod ex vi delegationis qua eis permittitur, ut pénitentiae Sacramentum administrent, eo ipso tacite potestas hæc data intelligatur ex praxi, & consuetudine Ecclesiæ. Qui verò excommunicatione minori ligatus existit, potest alium excommunicationum etiam majore absolvere; quia per illam non privatur exercitio jurisdictionis c. *fin. de cler. excom. cap. duobus 56. de sent. excom.* Forma autem absolutionis hæc est.

Absolvo te à vinculo excommunicationis, quod incuristi propter (hanc vel illam causam seu crimen) & restituo te Sacramentis Ecclesiæ, & fidelium communioni in nomine Patris, &c.

B 3 Hæc

Hæc quidem forma servabitur, quando quis propria auctoritate absolvit: si vero absolvat auctoritate delegata, hac uti poterit.

Auctoritate Omnipotentis Dei, & Sanctorum Apostolorum Petri, & Pauli, & SS. D.N. Papæ (Illustrissimi Episcopi nostri N.) in hac parte tibi concessa, & mihi commissa, absolvo te &c. Lazar. quæst. can. sect. 4. quæst. 12. n. 12.

76 Ante absolutionem ab excommunicatione majori duplex cautio exigenda, & praestanda est à reo. Prima praestatur per juramentum de parendo mandatis Ecclesiæ, vel absolvendis, idest de non committendo in posterum hujusmodi delicta *cup. ex tenore, c. ad hæc de sent. excom.* quod tamen non exigitur pro levibus delictis, sed tantum quando absolutio est solemnis pro gravi crimine Lazar. *quæst. can. d. sect. 4. quæst. 12. n. 11.* Altera cautio datur de satisfaciendo parti læsæ; nullus enim neque in foro interno, neque externo absolvendus est ab excommunicatione, nisi prius parti læsæ sit realiter satisfactum, vel cum ea transactum. Quod si reus statim facere non possit, tunc cautionem sufficientem praestare debet, & scilicet pignoratitiam, vel fidejussionem: quod si neque hanc dare possit, sufficit juratoria, quia nemo ad impossibile obligari potest, *Pirhing. in jus can. lib. 5. tit. 39. n. 163.* Si autem ita absolutus postea satisfacere negligat, non reincidit in priorem excommunicationem, sed poterit iterum à Judice excommunicari, *c. ad reprimendam de offic. ord.* Absolvens autem ante praeslitum juramentum de parendo mandatis Ecclesiæ, vel ante praestitam satisfactionem parti læsæ, illicite quidem abiolvit, sed valide: quia hæc non pertinent ad substantiam absolutionis *c. venerabilibus 7. §. sane in fin. de sent. excom. in 6. Bellett. disq. cleric. de favor. cler. can. §. 5. n. 47.*

78 Absens sicut potest excommunicari, ita & potest absolvri per Procuratorem, *Pac. Jord. elucubr. lib. 14. tit. 2. num. 180. Pirhing. loco cit. numer. 164.* Item mortuus absolvri potest, ab eo scilicet, a quo poterat vivus absolvri, si ante obitum signa pænitentiæ dedit, non directè; quia

non est amplius homo super terram; sed ad hoc ut sit capax Ecclesiastice sepulturæ, & suffragiorum Ecclesiæ juxta dispositionem *tex. in cap. à nobis il 2. de sent. excom.* ubi Fagn. n. 14. dat formulam facultatis, quæ solet expediri à S. Pœnitentiaria Urbis; quæ est sequens.

Quare si sic vobis visum fuerit, vobisque de predicti N. viventis pænitentia per evidenta signa constiterit, ut cundem sic defunctum, dummodo illius, heredes injuriā passis, quibus ille si viveret, occasione præmissorum satisfacere teneretur, prius competenter satisfaciant, vel per eos non stet, quominus arbitrio vestro satisfaciant competenter in eo, in quo tenentur, ab excommunicationis sententia, quam propter præmissa incurrit, absolvere in forma Ecclesiæ consueta, & in foro conscientiæ tantum licite valeatis, ad effectum dum taxat ut pro illius anima publicæ, & privatæ orationes, ac preces fieri, ejusque corpus Ecclesiastice tradi sepulture possint, facultatem, & auctoritatem vobis concedimus.

Item datur aliquando, absolutio ad cautelam, vel cum reincidentia primo modo non datur, nisi citata parte, & visis actis, & dubitetur de nullitate excommunicationis ab homine prolatæ, vel à jure, & si occurrat dubium facti, vel probabile dubium juris, absolutio datur hac forma.

Dominus noster Jesus Christus dignetur te absolvere, & ego auctoritate ejusdem absolvere te à vinculo excommunicationis si quod incurristi ob tale crimen; ut docet Lazarus quæst. can. sect. 4. quæst. 16. n. 4. & 13.

Quæ quidem absolutio præmitti solet ante absolutionem Sacramentalem, nec non ante aliquem alium actum, cuius valor impediri posset per censuram si adesset, v. g. ante electionem, vel collationem Beneficii Ecclesiastici, vel Ordinis, juxta exemplum propositum in *c. venerabili 52. de sent. excom. ex quo loco colligitur etiam, quod in absolutione semper sit exigendum juramentum de parendo mandatis Ecclesiæ, quando non constat excommunicationem esse injustam, ut advertit ibi Glos. licet omissione, actum absolutionis non annulet,* ut

ut jam diximus, & docet Glos. in c. super
51. verb. cum promissione tit. eod.

83 Secundus; absolutionis modus cum reincidentia solet practicari, quando quis propter mortis periculum, vel aliquod aliud impedimentum legitimum excommunicatus, fuit absolutus ab eo, à quo alias non potuisset absolvi, eo cum onere, seu conditione, ut cessante impedimento, vel periculo se præsentet Superiori, qui extra eum casum illum poterat absolvere, non ut ab eo iterum absolvatur, cum jam plene absolutus sit, sed ut satisfactionem imponat, & mandatum suscipiat cap. de cætero, &c. quamvis de sent. excomm. is enim si cessante periculo, vel impedimento, se non præsentaret, cùm commodè potest, reincidit in sententiam excommunicationis ipso jure, ut disponit text. in c. eos quī 22. de sent. excomm. in 6. si autem in dicto mortis periculo excommunicatus absolutus esset simpliciter absque dicto onere, non reincideret ipso jure, sed esset necessaria Judicis declaratio, Graff. consil. 13. num. 7. de sent. excom. lib. 5. tom. 1.

84 At si absolutio, cum reincidentia cedatur, ut sæpe contingit, vigore literarum Sacr. Congregat. Immunit. tunc elapso termino absolutionis, Ordinarius debet reaffigere Cedulones contra jam cum reincidentia absolutos, ut ead. Congregat. respondit in Baren. 19. Decembr. 1634. & in Alessanen. 17. Januar. ejusdem anni lib. 2. dec. pag. 181. si vero absolutio concedatur ad tempus, tempore elapso, absolutus ipso jure reincidit, quia absolutio ista est potius suspensio excommunicationis, quæ finito tempore cessa Graff. loco cit. n. 8. & hoc evenit, quoties Sac. Congreg. Concilii, vel Episcoporum rescribit: Episcopus informet suspensis censuris ad tres monses, vel alio simili modo.

85 Hanc autem absolutionem cum reincidentia, dare non possunt A. C. neque Ordinarii locorum, quoties agitur de censuris promulgatis ex causa jurisdictionis immunitatis, vel libertatis Ecclesiasticæ uti reservatis summo Pontifici, ut sæpe declaravit ead. Sacr. Congr. & præsertim in una Regni Neapolitani 17. Maii 1643. lib. 3. Dec. Paul. pag. 176.

numer. 6. & recenter in Melphien. 22. Aprilis 1673. lib. 1. Decr. Alt. pag. 792. & in Ravellen. 30. Augusti 1698. lib. 2. Decr. Vallem. pag. 172. à tergo, in quibus dictum suit, quod quatenus A. C. in prædictis causis, inhibitiones, vel absolutions concederet, illis non obstantibus, Episcopus contra reos procedere possit. Si autem Episcopus vigore facultatis sibi delegate in iisdem causis absolvat, pro Decreto absolutionis nihil recipere debet, salvo tamen quod debetur pro 87 reintegrazione immunitatis læse, ac pro actis Curiæ Episcopi, ead. Congr. in Majoricen. 14. Aprilis 1674. lib. 1. Decr. Alt. pag. 924.

Abolutio autem non præsumitur, & 88 ideo, qui semel fuit publicè excommunicatus, præsumitur adhuc censura ligatus, nisi probet se absolutum fuisse cap. sicut 39. de sent. excomm. neque sufficit hoc probare in foro contentioso per schedulam Confessarii, ut advertit Piring. in jus can. lib. 5. tit. 39. numer. 180. vers. notandum secundo. Et hæc de prima censura in præludio attigisse sufficiat.

De Suspensione §. VII.

Secunda censura est Suspensio, per 89 quam persona Ecclesiastica privatur usu seu exercitio Ordinis, Officii, aut Beneficii Ecclesiastici, quod illi competit ratione alicujus potestatis Ecclesiasticæ, in totum, vel in partem, ad tempus, vel in perpetuum ob suam culpam. Hæc censura ferri non potest, nisi ab habente jurisdictionem Ecclesiasticam exteriorem cap. dudum il 1. de elect. Dicitur ibi -- persona Ecclesiastica, ad differentiam excommunicationis, & interdicti, quæ etiam in laicos feruntur. Dicitur ibi -- ob suam culpam, quia quatenus est censura ferri non potest absque propria culpa saltem veniali, & ad differentiam interdicti, quo ferri potest etiam pro culpa aliena.

Suspensio dividitur in totalem, & 90 partialem. Totalis est simul ab Officio, & Beneficio, cuius exemplum habetur in cap. tuarum 11. de privileg. & in clem. 1.

B 4 de